

Inatsisartut suleriaasianni § 37 imm. 1 naapertorlugu Naalackersuisunut apeqqut imaattoq matumuuna saqqummiuppara:

Naalackersuisunut apeqqut:

1. Naalackersuisup §37 najoqqutaralugu apeqquteqaatinnut akissuteqaamminni innersuuppaat tusagassiuutitigut ataatsimiinneq uge 17-imi 2015-imi pisimasoq, tamannalu tunngavigalugu Naalackersuisut inussiarnersumik qinnuvigaakka tusagassiuutitut ataatsimiinnermi imaqarniliaq kopiinngorlugu uannut nassuteqqullugu?
2. Tusagassiuutitigut ataatsimiisitsinermi saqqummiussatigut erserpa, Allorfiup akisussaafigilersimagaat aalajangersinnaallugu atornerluisut siunissami sumi aamma qanoq katsorsarneqartalissasut?
3. Tusagassiuutitigut ataatsimiisitsinermi arlaatigut ersersinneqarpa, siunissami akeqanngitsumik katsorsartittoqarnissaa innuttaasut ilaannut atuutsinneqartussaangitsut, tamatumani pinerluttunik isumaginnittoqarfiup iluani tigummisat ilanngullugit?
4. Naalackersuisut akuerisaat uge 17-imi, 2017-imi saqqummiunneqartumi imatut paasineqarsinnaasumik allaqqasoqarpa, atornerluisut katsorsagassat pinerluttut isumaginnittoqarfiani tigummisaappata, akeqanngitsumik katsorsartinneqarnissaminut periarfissaqartitaanngivissut?
5. Innuttaasut katsorsagassat pinerluttut isumaginnittoqarfiani tigummisaasut akiliutissaat kommunenut ingerlateqqinniarnepat? Imaluunniit akiliutaasut Peqqinnissaqarfimmut immikkut isertitatut naatsorsuullugit inissinneqaannarumapart?
6. Naalackersuisut isumaat naapertorlugu, taava pingaarnuva pinerluttut isumaginnittoqarfianiittunut tunngatillugu Justitsministeria immikkut ittumik akiliisissallugu, uffa Nunatta innuttai maani najugaqartut assigiimmik pineqartussaasut, kinaagaluarpalluunniit?
7. Aningaasartuutissanut Inatsisimmut 2016-imi oqaasertaliussani, pinerluttut isumaginnittoqarfiani tigummisat pillugit allaqqasoqarami akeqanngitsumik katsorsarteqqusaassanngitsut?
8. Innuttaasut naligiimmik pineqarnissaat tamanut atuutsinneqanngila tamatumani pinerluttut aamma eqqarsaatigalugit, pisortatigut akiliuutaasartunut tamanut, peqqinnissaqarfiup tunniuttagai minillugit?
9. Naalackersuisut arlaatigut Inuit Pisinnaatitaaffiisa Siunnersuisooqatigiiviniit pinerluttunik immikkoortitsineq eqqarsaatigalugu isornartorsiorneqarsimappat?
(Inatsisartuni ilaasortaq, Martha Lund Olsen, Siumut)

Tunngavilersuineq:

Apeqquaqammut §37 / nr. 281 – 2017 tunngatillugu kissaatigaara qulaani apequtigineqartut itinerusumik akineqarnissaat.

Inatsisartut 2017-imi upernaakkut ataatsimiinnerani, Ilaqutariinnut Peqqinnissaqarnermullu Ataatsimiititaliap isumaqatigiillutik saqqummiuppaat, Naalakkersuisut katsorsartinnissamik inatsisissatut siunnersuutaannut allannguutissamik siunnersuusiarivaat, tamatumani anguniarlugu innuttaasut kikkulluunniit assigiimmik periarfissinneqarnissaat, innuttaasut pinerluttut isumaginnittoqarfianiittut pineqaatissinneqarsimasut ilanngullugit.

Pinerluttut isumaginnittoqarfianut paasiniaallunga paasitinneqarpunga, innuttaasut pinerluttut pineqaatissinneqarsimasut innuttaasut allat assigalugit suli akeqanngitsumik katsorsartinnissamik neqeroorfigitissinnaanngitsut, tamannalu naapertuulluanngitsutut isigineqarsinnaasoq kikkut tamarmik assigiimmik pineqarnissaat eqqarsaatigalugu.

Kissaatigaara apeqquaqaatiga ullut suliffiusut 10 ingerlanerani akineqassasoq.